



T 3210/3530.81
7





海寧縣志

卷之八

海塘志

海患考

築塘法

山海經曰禹治水至于浙河莊周云浙河之水濤
山浪屋有吞天沃日之勢然于修築之事未詳也
唐書載鹽官縣有海堤長二百四里似兼鹽邑之
境言之開元初重築夫重築云者疑不始于唐而
築捍海石塘則始吳越王大要捍外障內歷世攸
賴唐曰捍海塘一名太平塘宋曰海宴塘遞修遞
築海之爲利害亦甚矣哉考史記之文多方抵禦



又非有翬築萬全之製也夫救焚者取其屈突拯溺者豈必填河爰採其建議攸長方畧便易則工料集而錢糧足辦往往危可使安者備審擇焉紀海塘志

海患考

唐地理志鹽官海塘長一百二十里開元時重築

舊志

闊二丈高一丈長一百二十四里

大曆元年大風海水溢湖州民五千家船千艘

昭宣帝天祐四年秋八月吳越國築捍海石塘

唐書

宋孝宗淳熙四年築海塘先是海潮壞堤至是命築

之

寧宗嘉定十二年鹽官海失故道潮衝平野二十餘

里至侵縣治蘆洲港瀆及上下管黃灣黃岡等鹽場

皆圯蜀山淪入海中聚落田疇幾失其半鹹水滄及

四郡

宋史

時守臣上言鹽官舊去海三十餘里無海患故鹽

竈繁盛課利易登去年海水忽漲橫衝沙岸每一

潰裂輒數十丈日復一日蘆洲港瀆蕩爲一壑今

潮勢深入逼近居民兩岸田畝皆被滄沒及今不

治恐裏河堤岸久之亦必潰裂乞下浙西諸司條

具築捺之策務令捍堤堅固土脈充實庶不復罹前劇詔從之。

嘉定十五年鹽官海塘衝決上命浙西提舉劉垕專任其事。

垕上言鹽官東接海鹽西距仁和北抵崇德德清境連平江嘉興湖州南瀕大海原與縣治相去四十餘里數年水失故道早晚兩潮奔衝南北遂至縣南四十餘里盡淪入海近縣之南原有捍海古塘亘二十里今東西兩段並以衝毀侵入縣治兩旁止存中間古塘十餘里萬一水勢激盪不息不

惟鹽官一縣不可復存而向下地勢漸卑恐鹹流沿漫將蘇秀湖三州等處田畝皆不可種其爲害非獨一邑也詳今日之患大槩有二一曰平地陸沉一日鹹潮泛溢陸沉者固無力可施其泛溢者祇因捍海塘衝損每遇大潮必盤越北注今亟安築土塘以捍鹹潮其所築塘基南北各有兩處在縣東近南則爲六十里鹹塘近北則爲袁花塘在縣西近南亦曰鹹塘近北則爲淡塘嘗驗兩處土色虛實袁花塘淡塘差勝鹹塘且各近裏未至與海潮爲敵勢當東就袁花塘西就淡塘修築庶可

禦鹹潮之盤溢其縣西一帶淡塘連縣治左右共五十餘里合先修築若縣南去海一里餘縣治民居盡在其中幸古塘尚存此何可棄之度外也今將現管椿石就古塘加工築壘一里許爲防護縣治之計其縣東民戶日築六十里鹹塘萬一又爲海潮衝損則前工盡棄當計用木石修築袁花塘以捍之上詔可。

元大德三年鹽官州海塘崩。

仁宗延祐元年海溢陷地三十餘里。

泰定帝元年十二月海水大溢壞堤塹侵城郭有司

以石圍木櫃捍之不能止。

二年八月大風海溢捍海堤崩廣三十餘里徙民居千二百五十餘家避之。

四年正月海潮大溢捍海塘崩二千餘步四月復崩十九里。

時發丁夫二萬餘人以木柵竹絡磚石塞之不止。

乃命都水少監張仲仁往治沿海三十餘里下石圍。

四十四萬三千三百有奇又水櫃四百七十有奇工役萬人。

致和元年三月鹽官州海岸崩四月海復溢詔發軍

民塞之

初詔天師張嗣成修醮禳之。不驗。復詔遣使禱祀。造浮圖二百十六。蓋用西僧法。謂潮可厭。鎮也。亦不驗。至是以石圍塞之。

文宗天曆二年鹽官海患已息民得安堵乃詔改鹽

官州為海寧州

元年十一月庸田司言鹽官水息民安

先是泰定四年二月杭州路請增修鹹塘濬深備塘濠塹以禦海患又都水庸田司言速撥丁夫堵閉水衝入處又杭州路言八月秋濤洶湧現築堤岸造木櫃石圍以塞要衝又本省左丞相脫懽等議擬比浙江石塘為久遠計致和元年三月省臣

奏江浙省并庸田司修築海塘合用軍夫酌量差撥四月朝廷委官集議皆云泰定四年春潮水異常欲壘石塘為地脉虛浮由是置石圍二十九里不曾崩陷遂議東西接壘石圍十里修築六十里塘至天曆元年八月沙漲明年改鹽官為海寧

明永樂六年海寧海決陷沒赭山巡檢司請發軍民修築從之仍命戶部遣官巡被災之家九年秋七月修築冬十一月塘成

時合仁寧二邑修完土石塘岸萬一千一百八十五丈見實錄

十八年修築海塘

通政使岳福上言今歲仁和海寧二縣夏秋霖雨
海潮泛漲塘之淪入海者千五百餘丈赭山崑門
山舊有海道今皆淤塞故潮勢愈猛患滋大請亟
修築詔從之

成化十二年修治海塘

浙江鎮守巡按及都布按三司奏言杭嘉紹三府
所屬海寧海鹽山陰蕭山上虞等縣海塘衝塌數
多修築財用不足乞照上年例以杭州城南抽分
竹木存留七分賣銀解部者以備築塞工料庶寬
民力工部謂內府造供應器皿并清江衛河造運

船皆取給抽分所係亦重安令各府先以在官物
料支用不足則于附近無災府分借債協濟從之
詳實錄

十三年二月海決

時潮水橫衝一潰數仞偏盪城邑瀕海之祠廟廬
舍器物淪漂畧盡縣官上其事于府府上之鎮巡
因命採石臨平安吉諸山初用漢棧組法不就乃
斲木爲大櫃編竹爲長絡引右下之汎濫乃定仍
作副堤十里以防泄鹵一時富民爭相賑施凡七
越月而役竣

郡志

嘉靖九年秋七月海決逼城

萬曆三年夏五月颶風大作海嘯民溺死者百餘漂房屋二百餘間塘圯鹹水湧入內河壞田地八萬餘畝

時縣官估計應修塘凡二千三百七十八丈計修築工料銀應五千二百二十八兩四年九月會知縣蘇湖蒞任巡撫徐枋察其才可任事遂以塘付之湖定議以五年二月十三日興工至四月而役竣計費纔一千九百七十六兩

時通判張繼芳定議採石一塊長五尺二寸高濶一尺八寸者給銀四錢七分以三錢給工價一錢給船價七分充扛擡又議以船價六千兩造船三百隻行仁錢二縣五區綱手每十人領銀二十兩造船一隻運石完日卽以船給之當其直

崇禎元年七月廿三日海嘯溺者無算

是日午前風日清明纔過午狂颶猝發雷雨如注甲酉間忽報海嘯登城望之見潮頭直架樹杪廬舍蕩析瀕海居民有舉家斃者有一家十九日止存二口者延至夜半風濤稍殺厥明縣官出勘城東西被災者凡四千餘戶橫屍路隅殆不忍見事聞于朝議修築海塘時縣令謝紹芳屬衙官張瑞傑董其役張第以修河塘法從事未幾潮嚙之旋

築旋圮于是三臺畢臨相視議工費撫按會題預徵糧銀每畝一分合計之得九千餘金道府捐助各有差命郡丞劉元瀚董其役仍用石圍木椿之法工稍就緒會海沙復漲事已備考

國朝康熙三年秋八月初三日颶風三日晝夜不止海嘯衝潰海塘二千三百八十餘丈總督趙公廷臣巡撫朱公昌祚疏請發帑修築專委兵巡道熊公光裕督修至次年九月塘成

時部議浙江總督趙題修石塘并尖山石堤五千餘丈工將告竣復行衝決該督將修完塘用過

料造冊具題疏稱重修工作冊開修塘用過料銀二萬七千六百三十七兩零內動支節年修塘銀五千八百五十兩各官捐輸銀五千三百兩紳士人民捐米九千餘石尚欠商價銀七千四百四兩

二錢借支驛站銀給還議將杭州府每年額編塘

工銀一千兩陸續補還應如所議

四年九月奉巡道熊該縣紳民

每畝捐米一升計九千八百餘石議抵修塘工費

已蒙俞旨今念該縣連遭海患別為措處悉蠲

之

邑人沈珩重築捍海塘記曰今

天子康熙

甲辰秋八月海寧捍海塘潰勢浸淫無所砥下流

迄湖嘉常蕪咸震危總督趙公巡撫朱公惻然為

民命國計憂親巡閱諮詢畫籌乃定爰簡備兵熊

公來督修十一月隄垂成是時巡撫蔣公甫蒞浙

降檄敦勵方略於是植頹築虛增卑補狹度越於

舊觀備兵公之始來臨海也民老幼環車泣且曰是役也費難工鉅任勞可柰何公則慷慨誓曰吾奉天子命監茲土民溺則誰溺也况督撫兩臺匱爾民憂設吾弛然畏難辭鉅避勞以具文報塞詎吾志哉爰駐節卽決口判列爲號若散屬若庶者分曹置監其材若石榘園櫃構爐竹落其工若礪銀畚鍤防丁椿戶各懋乃司故隄加廣厚什半加舊按寧塘歷唐宋元明一罹厥災至乃淪山陷城崩地數十里漂禾稼數郡今當寧徬徨公卿胙祗費金錢幾或百萬繇役連十餘郡歷歲時且十年或二十年猶未盡底所謂難與鉅與勞今且什九倍昔而上不靡帑下無困氓千載之功不日告成然則常變會乎勢安危係乎人彼難與鉅與勞之倍昔勢也其事半功倍則人也是魚腹之遺黎得安堵而康食井耕而土貢誰力也士民請記之石云許蛟口熊僉憲公督治海堤有造於寧甚太是時倉卒取辦舉民間塘岸階除之石撤以急公不避怨浴然亦湯信國築城之方畧也

康熙十四年六月潮大作沿海沙塗坍且垂盡邑侯

許三禮日夕虔禱至八月沙漲水平民賴以安

誓海文曰

旃蒙之六月海水怒立崩崖齧版浸及城郭知海寧縣事許三禮乃齋戒誓於神曰嗚呼下吏不德以涖茲土也藉神之威靈奉宣王化幹止民居爰及二載竭爾心膂不敢怠於職事迺者遭神儻怒颶風大作民不用康怒甚三川之鬪浸及晉陽之版寧人老幼懼無所逃匿而奔控下吏嗚呼此皆三禮爲治無狀以至于此念欲拜禦之則司農告匱石固木櫃之費無所取給况羸者寧也樓船下瀨日過浙右刈草運甃之不暇而又安能爲精衛木石之役三禮聞之昔有王尊委身金堤三禮其敢有愛也今敢白於爾神其或念三禮政無苞苴治猶潔白幸安瀾息怒以毋暴殄爾百姓其或以三禮不能悔禍政事不修一日不退至于再至於三則願委身大壑飽食蛟龍而爲此一方民請命惟神其裁之邑人張曾祚曰舊志歷言捍海情形備極艱鉅今許侯當洪濤澎湃之時率先祈禱精誠所格不煩修築已慶安瀾祚嘗奉教於侯曰人之於天有呼而必應者理本相通其常也

有呼而或不應者數處乎窮其偶也君子不敢任其偶而惟信其常本忠信誠慤以出之凡已事而補救先事而綢繆皆此志也苟未知盡人事以回天而徒襲祈禱之具文將與閉門修齋者何異侯斯言深有見於天人之際矣

陳善海塘議曰海寧縣治南瀕海海之上卽塘塘距城僅百武東抵海鹽西抵浙江延袤百里塘西南有赭山南與龕山對峙夾爲海門是爲海潮入江之口至此束不得肆輒怒而東迺及其迺也又有石墩山以障之則益怒于是東西盪激害乃中于寧查舊志塘之外有沙場二十餘里沙場之內有陸地草場桑柘棗園一百六十七頃有奇夫塘

有外護則海潮不致衝齒石堤內固可以經久今沙場草蕩悉盪入于海護沙盡沒所恃以爲命者僅此衣帶新造之塘宋元以來海塘興廢莫紀自洪武至萬曆海凡五變五修築矣永樂九年海大決保定侯孟瑛奉命徵九郡之物力歷十三年而始奏功嗣後成化甲午弘治壬子嘉靖戊子迄今萬曆乙亥海或溢或決塘隨築隨圯雖勞費不如永樂之甚公私亦旣騷然夫海決寧邑而役及九郡者何也寧地于吳爲陞于越爲首地形最高故諸水皆北流一從東北由淞泖趨滬瀆江入海一

從正北過吳江趨白茆港入江俗因指吳江塔巔與長安壩址相並有如海寧一決注之列郡如建瓴然則障寧者卽所以障列郡也萬曆五年春巡撫徐公栻按治海寧多潰闕爲之駭詫因與水利陳公詔翕謀合慮察縣尹滇南蘇公湖可屬大事卽以其役委之蘇亦毅然身任閱三月而役竣修圳塘一千六百六十三丈築新塘三百二十丈其費公帑止一千九百餘金亦可謂事半功倍矣然更有說焉海寧之塘與海鹽異鹽塘有大患亦有大利寧塘似無顯患而實有隱憂蓋鹽塘陂池相屬有內河可開故潮勢至此旣爲分殺而引其流更能使草場悉爲膏腴是大患弭而大利興也若寧塘逼近城郭無內河可開幸潮水緩于鹽耳設一旦海嘯直薄邑治其爲隱憂可勝道哉聞寧邑額設捍海塘夫一百五十名每歲編派役銀三百兩爲之令者誠加意海防每遇潮汛卽遣官巡視稍有傾圯卽委廉能吏領銀修築毋令涓涓不止此亦徹桑之計也萬一天祐寧民塘十年無恙則銀之積益富縱興大役亦不必派及平民矣至如築塘之法余竊有取于海鹽乙亥之決海鹽爲

甚其修築也。造完前埝石塘七百五十丈。及原欠石塘八十三丈二尺。修砌半埝石塘一千七百九十二丈。築舊土塘二千二百一十六丈。築新塘七百一十丈五尺。新開內河白洋三千三百九十五丈。而其爲費也。始計之。謂非三十萬不可及。撫臺徐公親行海上。命有司詳估價值。曰十六萬足矣。衆乃譁然駭其太簡。及工告成。費止十萬餘金。減原估五萬四千有奇。是徐公之施德于浙民大也。其慮湍激之爲害也。有盪浪木椿以砥之。慮其直薄堤岸也。爲斜階以順之。其累石也。下則五縱五橫。上則一縱二橫。石齒鈎連若組貫。然卽百計撼之。其能搖乎。修寧塘者。誠一準海鹽新塘之式。是則一勞永逸之計也。安得任事若徐蘇二公者。與之籌海事哉。

趙維寰海塘議曰。鹽東面距海塘。自北而南。潮則

自東而西。濤頭直衝塘肋。故塘易圯。而爲害劇。若寧則南面距海塘。自東而西。潮亦自東而西。濤頭直衝龕楮海門。寧特其經行處耳。

當經過時。未免隙竇之引潮。以入此寧。患之似小。于鹽而其爲力。又易于鹽者也。乃當事者。動憂金錢不繼。夫寧自嚴尹寬建議後。額設海塘夫一百五十名。年儲役銀三百兩。爲修築費。亦旣著爲令。

矣。倘能以此三百金隨時補緝，小有潰決，卽圖叙塞，亦何至一潰不可支乎？其如有力者負而趨會，無分毫及塘，何乃今一議工役，非請給上司，則加派編戶，蓋塘不修而民以海病，塘修而民又以塘病，此其故難言之矣。

邑人陳之暹曰：凡海之臨大洋者，潮汐皆以漸長，鮮爲民害。惟海寧之海南有上虞餘姚，逼處于前，東有大尖鳳皇諸山，角張于左，海身旣隘，海口復窄，乃潮由海鹽大洋騰湧而入，無異于帶水而納，彌天之浸，此怒濤橫奔，高逾數十丈，所由來也。乃

西去不五十里，又有驚子門，爲錢塘江流入海之口，廣僅七八里，夫以數百里之海面，復納于七八里之口中，而江流又逆過于上，則受阻之迴溜，其湍激更雄于潮矣。故陽侯稍不戒，洪潮卽薄塘下，塘之土石朝夕供其盪漱，未有不傾覆相繼者。爰考唐宋元明海患相循不已，其鳩庀之費，動盈萬億計，其籌畫堵塞之方，皆當事爲之，徬徨而籌度者，載在史策，班班可考也。請得而臚陳之。

一日海塘潰決之烈，宋史嘉定十一年海失故道，潮衝平野二十餘里，侵入鹵地，鹽課不登，蘆洲

港瀆蕩爲巨壑十二年遂侵縣治上下管黃灣岡等鹽場皆圯蜀山淪入海中聚落田疇失其半而禾稼之壞者凡四郡焉十五年縣南四十餘里盡淪爲海其捍海古塘東西纍石並就淪毀海水侵入縣之兩旁各三四里止存中面古塘十餘里當時議者以爲水勢衝激不已不惟本縣不可復存而向北地勢卑下且慮鹹流入蘇秀湖三州田畝不復可種又縣西有二十五里塘上徹臨平若海水入塘兩岸田畝必致決壞并裏河堤岸亦有橫裂之憂矣十七年海潮復壞縣地數十里計六年

而始平。元史大德三年塘岸崩潰虛沙復漲不可修築延祐六年七年海汎失度屢壞民居陷地三十餘里泰定元年二月海水大溢壞堤塹侵城郭三年八月大風海溢捍海堤崩廣三十餘里袤二十里至徙居民千二百五十家以避之四年正月潮水大溢捍海塘崩二千餘步二月風潮復大作衝捍海小塘壞郭外地四里四月捍海塘復崩十九里又縣志載縣西南舊有鹹塘元泰定間海壩不存先是嘗築備塘以防衝激塘之外有沙塲二十餘里塘內陸地草蕩及桑棗園一百六十餘

頃至泰定四年。悉崩。于是建天妃大廟。命僧用秘法鑄深沙鐵神。以厭勝之。致和元年三月。海堤復崩。元主遣使禱祀。更命西僧造浮圖二百一十有六。實以七寶珠玉半置海畔。半置水中。以鎮海災。終不能止。又志載。寓公貢師。泰詩序稱。當時潮決南岸。州治將盡。入于海。城隍漫無存者。迨至正十九年。而始克築城。則知元時吾邑之海患。更酷于宋矣。故明洪武初。海潮衝毀赭山巡司。及永置漏澤園。至二十三年。衝毀石墩巡司。永樂九年。海潮復決。有司不時治。民流移者六千七百餘戶。淪

田一千九百餘頃。毀許村鹽場。成化十年。海決至城下。十三年二月。潮水橫濫。衝圯堤塘。逼盪城邑。轉盼曳趾。一決數仞。祠廟廬舍。淪陷畧盡。復治新堤。至弘治五年。新堤漸塌。嘉靖七年。新堤大塌。復至城下。九年。海復決。逼城自是以來。屢有海患。崇禎元年七月。其禍更甚。天下瀕海之地。晏然安堵者。不乏。未有如吾寧之獨當險阨者。五代以前。無可考。據故斷自宋以來。海塘潰決之烈如此。

一曰。歷代工費之繁。唐書開元元年。重築捍海塘一百二十四里。夫曰重築。則修建有前乎此者。

矣其後先工役雖逸而不傳但延袤如許則勤民
畚鍤浩費當不下數十萬當時司國計者亦孔瘁
矣考之于宋潮水橫決終宋世凡四罹其災不
特縣治徧地傷殘至併四郡之田並遭淹毀而山
淪于海抑更異矣當時下浙西諸司條具築捺之
策亦逸而不傳懸計拮据鉅費何可量哉元河
渠志泰定四年風潮爲患都水庸田司奏請速差
丁夫當水衝堵閉其不敷工役差倩于附近州縣
當時朝議擬比浙江立石塘爲久遠計與役者數
月發丁夫二萬餘人用鈔七十九萬四千餘錠糧
四萬六千三百餘石致和元年省臣奏修築海塘
合用軍夫除戍守州縣關津外酌量差撥從便添
支口糧又誌載貢師泰所爲序云潮決南岸民吏
驚懼捍以數郡之力而決猶不止觀此則元季之
頻舉大役其費更不訾矣明禮垣張寧著障海
塘記云永樂中海決供力役者蘇湖等九郡貲累
鉅萬積十有三載始弭其患成化中以舊塘衝圯
分巡錢公修築障海塘其役徒以三府萬二千人
七越月而告成又載嘉靖中邑令嚴寬撰水利圖
志序云考石塘之築自唐宋以來皆舉數郡財力

始克有濟蓋以地據蘇常之上流爲嘉湖之鎖鑰各與有責故均任其勞若驅一方之民以治之則東興西廢財竭力疲矣其自嘉靖以後修築頻仍工費無算茲以邑乘闕如未敢傳疑而前此之九郡力役三府工徒十三載之奏功七閱月之報竣其所糜公帑並彰彰可據也合李唐宋元而計之金錢等河沙矣歷代工費之繁如此

一日命官經理之重 宋嘉定十二年臣僚言鹽官潮勢深入萬一春水驟漲海風佐之則百里之民俱莖魚腹遂下浙西諸司條具捍堤堅壯之策

十五年都省以海塘衝決上聞命浙西提舉劉一專任其事屋言縣治境連平江嘉興湖州大爲利害議修縣東六十里鹹塘縣西淡塘及袁花塘以防大潮盤越流注北向之患從之 元大德三年塘岸崩都省委禮部郎中游中順洎本省官相視焉泰定四年二月風潮大作衝塘壞郭外地杭州路言與都水庸田司議于北境築塘莫若先修鹹塘江浙省準下本路修治工部議海岸崩推重事也定移文江浙行省督催庸田使司鹽運司及有司發丁夫治之五月平章禿滿迭兒等奏江浙省

四月內潮水衝破鹽官州海岸令庸田司徵夫修堵遂命都水少監張仲仁往治其役本省左丞相脫歡等議置石固以抵禦之致和元年三月省臣奏江浙省并庸田司官修築海塘倘得堅久之策移文具報臣等集議本年差戶部尚書李家那工部尚書李嘉賓樞密院屬衛指揮青山副使洪灝宣政院庸田使司諸臣會議修治之方合行事務提調官移文稟奏施行縣志故明永樂九年海決事聞遣保定侯孟瑛往治十六年十一月明王

親製祭文遣禮部侍郎易英同保定侯孟瑛致祭

海神力役十三載始告成事成化十年大潮衝決

隄岸用崇德

即今石門縣

沈丞

惜逸其名

築法隄始成十三

年十二月潮勢益橫縣上其事于府府守陳讓上

其事于巡按御史隨檄布政使杜謙按察使楊瑄

參政李嗣副使端宏參議盧雍僉事梁昉咸集寧

邑周視協謀區畫會計悉以託分巡僉事錢山專

董其役乃命杭嘉湖三府官屬轉輓木石物用舟

楫蔽河而至分命指揮李昭通判何某兼總其工

自是以後每遇興築必上勤憲府下萃羣司祇以載絕無聞未容臆贅而自南宋訖于明初炳著汗

冊者或以牧伯蒞事或以公輔宣猷

或聚藩臬而僉謀或簡通侯而

底績慰其咨而安昏墊卽下吏在所必甄凡以重民命也命官經理之重如此

一日採辦修築之室 宋志嘉定十五年浙西提

舉劉厚專任修築海塘首以鹹潮泛溢有盤越流注之患建議袁花塘及淡塘基址近裏未至與海潮爲敵施功較易先就二塘修築以禦縣東鹹潮其縣東近南六十里鹹塘亦應取次修築萬一又爲海潮衝損則當用椿木修築袁花塘以捍之其縣南去海一里餘幸存古塘縣治民居盡在其

中未可棄之度外合將見管椿石就古塘加工登砌里許爲防護縣治之計報曰可 元志鹽官州

去海岸三十里舊有捍海塘二後又添築鹹塘仁

宗延祐間潮壞民居陷地三十里其時省憲官共

議定于州後北門添築土塘然後築石塘東西長

四十三里後以沙漲而止恭定元年二月海水大

溢有司以石圍木櫃捍之不止四年二月風潮衝

捍海小塘壞州郭四里杭州路言與都水庸田司

議欲于北地築塘四十餘里而工費浩大莫若先

修鹹塘增其高濶填塞溝港濬深近北備塘濠塹

用椿密釘庶可護禦至八月水勢愈大本省左丞
相脫歡等議安置石圍四千九百六十抵禦鏊嘴
以救其急于是簡用都水少監張仲仁總理工役
于沿海三十餘里復下石圍四十四萬三
有奇木櫃四百七十餘致和元年三月省臣
浙省并庸田司官修築海塘作竹籐條內實以石
鱗次壘疊以禦潮勢淪陷入海四月奏委戶部尚
書李家那等洎行省臺院及庸田司等官議大德
延祐間欲建石塘未就泰定四年春潮水異常增
築上塘不能抵禦議置板塘以水湧難以施工遂

作竹籐條木櫃間有漂沉欲踵前議置石塘以圖
久遠爲地脉虛浮比定海浙江海鹽地形水勢不
同由是造石圍于其壞處疊之以救目前之急所
置石圍二十九里餘不曾崩陷畧見成效庸田司
與各路官同議東西更壘石圍十里其六十里塘
下舊河就之取土築塘鑿東山之石以備崩損至
明年爲文宗天曆元年水勢漸平二年海患息于
是改鹽官州爲海寧州縣志故明成化十二年
二月僉事錢山重築障海塘公策騎行邑斂不及
以量材度宐因時立法採石于臨平安吉諸山備

物用于浙西三府舟楫輸輓銜尾相屬乃斷木爲大櫃編竹爲長落引而下之

中實以石此化小泚石爲大石法也

濫稍定時盛暑公念邑民蕩析未寧農稼方亟饑勞野聚必有疾疫由是作治雖嚴間輒拊循勞來失次者徙寓空舍惠以薪米大集醫藥以療病者復作副堤十里以防泄鹵之害至八月塘成此後修築都無所考得于父老傳聞及覩埭出椿櫃宛然石固舊制果良法不可更歟抑區畫猶有未盡也至宋元治塘雖有效有不效而其法屢變亦旣殫厥心而弭厥患矣採辦修築之宜如此

詳海塘考

築塘法

海患之議詳哉其言之趙學博以寧爲潮所經行其患次于鹽似已而陳公善酌鹽寧之害甚詳則稱修塘者一准海鹽新塘之式爲一勞永逸之計議尤鑿然初制石固木櫃法非不善不過爲一時限水計輒蒙其沙障而止因以其餘力設土塘次設備塘內寬河身使不得泥濘豈能如坡陀魚鱗塘法之盡善乎夫前事之不忘後事之師也與其患至不時倉皇失措毋寧借鑒于已事焉務師其意法之增減橫豎惟其所宜而已或曰工費浩繁

而一方之民力有限劉公皇上言境連平江嘉湖而嚴侯寬云自唐宋以來皆舉九郡財力始克有濟實以寧據蘇常之上流爲嘉湖之鎖鑰蓋非一邑之利害也聊述其法並繪圖于左

故明成化初按察司副使楊瑄以浙東邊海沿海爲塘自定海城北捍海塘縣西走馬堤霽衢健跳海鹽凡五塘而海鹽爲太凡二千三百丈工最巨患最大塘一決則全吳淵浸東南財賦無出公篤意籌畫所築塘至萬曆初潮溢塘壞副使陳詔訪公故跡修治

焉

見本傳

明初易土堤以石堅厚中程矣永樂初潰右通政調浙西蘇松九郡民復築之宣德中巡撫侍郎周以石堤內虛始築土五丈實其裏且著令非時巡護加葺至楊副使改築而鹽塘益密焉

明萬曆四年邑令蘇湖有廉幹巡撫徐公拭檄令分築海鹽塘七成郡縣官遷資有差載董公份碑記其法做宋王荆公鄞縣塘又參酌副使楊公瑄坡陀塘式堅石斜砌磊碎石于內支之以殺潮勢復做僉事黃光昇一縱一橫之法云黃公之議曰磊石高之爲塘恃下數椿撐承耳椿浮卽宣露宣露敗易矣病在


外疎中空舊塘石大者郭不必其合也小者腹不必其實也海水射之聲汨汨四通侵所附之土激以入滌以出石如齒之疎豁終拔爾今修塘必內與外無異石先去沙塗之浮者四尺許見實土乃入椿入之必與土平仍傍築焉令實乃置石爲層者二是二層者必縱橫各五令廣擁以土使沙塗出於上令溪皆以奠塘址也層之三若四則縱五之橫四之層之五若六縱四之橫五之層之七若八縱橫並四之層九十縱二之橫五之層十一層十二縱橫又並三之層十三層十四縱三之橫二之層十五縱二橫三層十

六縱橫並二層十七縱二橫一層十八是爲塘面以一縱二橫終焉石之長以六尺廣厚以二尺琢之方砥之平俾緊貼也層表裏必互縱橫作丁字形彌直溝之水也層中橫必稍低昂作撲頭形彌橫溝之水也層相架必跨縫而置作品字形以自相制使無解散也層必漸縮而上作階級形使順潮勢無壁立之危也如是又堅築內土培之若肉之附骨然可免崩潰矣今附載黃公光昇縱橫塘及楊公瑄豎砌坡陀塘式使後之從事斯塘者有考焉

黃公光昇五縱五橫魚鱗塘式

內


土塘



橫


湖滿至此

外



沙塗

楊公瑄監砌坡陀塘式



邑人范驤海塘議曰寧邑海患每東北風漲怒濤乘之輒溢大槩與海鹽同而鹽塘止一面受敵寧則三面受衝其患與海鹽異其潮患之在東南者潮水朝夕至怒如震雷瀉若建瓴木華所云天輪膠戾而激轉地軸挺拔而爭廻者是也水患之在西南者江水出都東北經建德又北至新城又東北至富陽過錢塘反濤奔軼水勢折歸故云浙江也龕赭巖門而外江水與東南之水合寧邑獨受其衝枚乘所云似神而非者三疾雷聞百里江水逆流海水上潮日夜不止者是也故寧邑海塘受衝其患倍急于鹽

不寧惟是鹽塘隄岸去城根半里而近隨決隨築譬
如衣敗壞一以相補寧故堤去城根五六十里而遠
當其無事亭竈熬沙漉白視爲沃壤樵者芟芻彌望
漁者鯊鱔贏蛤人匕得其所欲如鸞巢幕如厝火坐
積薪上下恬熙平時築塘工費積之五年十年者那
爲他費一旦颶風激射精衛木石茫無所指不浹旬
而五六十里浮沙潰決驚濤直薄城下浙西之田浙
鹵而東吳之地幾壑乃始倉皇議採石蘓湖議發里
夫郡丁議徵歲額議加派田賦議藩餉郵傳贏金議
七郡贖穀議監築官議做瓠子宣房卞淇圍竹鍵做

王荆公鄞塘坡陀做黃僉事幘頭品字勢如救焚議
同築舍計已晚矣故鹽塘之患在睂睫寧塘之患在
五年十年或二三十年所謂無形之痛一發不相補
救當事者必未雨綢繆如坐漏舟如臨大敵徵塘工
歲額于無事之時貯木石銀糧爲緩急之用海口大
決則用黃公縱橫之法不可惜小費而妨大功小決
則用楊公坡陀之法卞石櫃以隄水勢此全浙咽喉
東南門戶無漫視爲一方之利害金錢畚鍤徒苦我
父老爲也

許今三禮曰築塘之

世利之或十世利之百

世利之如石固木櫃隨坍修築取石也有術用民也
不勤此利在一世者也其慎選幹吏如徐撫臣栻者
塘式隨宜如楊副使瑄者儉事光昇者治連平江嘉
湖議先修鹹塘淡塘袁花塘以防盤越北向如劉提
舉庠者作副堤十里更采石備用歛不及民如錢僉
事山者此十世之利也夫先事之圖如額設捍海塘
夫歲編銀三百兩若嚴令寬者城南抽分竹木存留
銀七分充工料者徵九郡力役三府工徒如保定侯
孟瑛者豈非百世之利乎孰與驅一方之民爲不終
食之計以邀一時之功如去蓋有間矣

○
附督工士民姓氏

周挺 楊雯 鄆自爵 許一璋

周蟾桂 鄆俊 朱天章 許以政

沈兆登 許瑋 李琬 張士毅

唐元浩 史在彰

胡聖功 許均巽 尤仲賢 金侍塘

徐文科

海寧縣志 卷之九

海防志

兵制

守禦所

軍器局

演武場

民壯

漕運

屯糧

守禦所官

督運官

駐防官

駐防汛兵

烽埃

守禦所軍所以備守禦也。天順景泰而後寧之軍專輓漕運守禦千戶所名存實亡。公署漸圯別設指揮司以領土兵。兵皆土著詭籍支糧而已。

清初重兵宿海上。罷世官襲替而軍之輓漕如故。汛兵別設駐防漕運別設屯運軍與兵判然久矣。今志世官以接古志。汛兵以續今。所以考其變也。軍

官有署軍器有局操演有塲守汛有烽堠易戒濡
有衣袷詩言綢繆未雨江防兵議關乎疆圉險要
者采而述之後之人有考焉作海防志

歷代兵制

初會稽郡海有樓船守尉都試令丞尉亦各統其縣
以時肄習後陽嘉中文詔緣海益屯兵備盜賊海上
之有戍守蓋自漢始也晉以後所用皆北府兵非土

著

見海鹽
縣志

秦縣置守尉尉專佐守治軍漢錢塘縣置材官唐
置鎮海軍會昌三年鹽官置建寧鎮在縣西一百

步大中十四年遷于縣西北二百步宋梁開平四
年改爲鹽官鎮而圖經又有烏山戍在縣東七十
里唐天寶五年置今縣志無烏山當卽烏龍泉也
宋初州縣官兼領兵事南渡後臨安兵衛置巡檢
集土軍控扼要害置砦兵于臨安者十二而在鹽
官者五元至正間于杭州路置萬戶翼後于杭州
行省諸司府庫所在置四萬戶府分兵閱習明洪
武三年始立海寧衛二十年改爲海寧守禦千戶
所景泰已後正軍皆充漕役別設中右營使衛參
將節制之

大清華守禦設水師駐防守禦所軍專輓漕運海上
分汛兵專屬之駐防矣。

薛應旂曰明于會城置都指揮使司統諸衛所衛所
之在內地者主守禦沿海者主備倭衛在內地七而
沿海者九衛各五所其外又特設所三十四在內地
者六而沿海者二十八衛所之官各有定員而沿海
則特設總督都指揮一人把總指揮四人濫處金衢
卽以分巡兼理兵備而沿海則特設巡視副使一人
衛所之軍各有總旗有小旗有操軍操有演武場有
運軍運有船軍器有甸而沿海則又備戰有船守瞭

有寨傳警有烽堠墩臺衛所之外有巡檢司司有弓

兵而沿海居其半。浙江通志

明嘉靖中邑令蔡完議曰昔東甌王奉命築海上備
倭十數城似于寧邑有遺憾焉蓋南有赭山實維江
門東有黃灣尤通海港兩端相距百四十里而無城
守徒設墩寨置巡檢司以謹斥堠何足爲海寇之禦
哉邇年島倭屢犯首趨金赫後據石墩良由地曠勢
單無兵衛耳使各有城焉奪其險要以居官軍以保
黎庶使賊無駐足之地東不得過袁花而至硤石南
不得犯省城而浮錢塘而縣治得此兩翼亦不渺然

獨當風濤之衝矣。

江防輯畧云邑西南鯨子門乃省城第一門戶石墩鳳凰外峙乃第二門戶此外惟羊許二山獨立海中為第三門戶羊許有防然後石墩鳳皇有蔽石墩鳳皇有防然後本邑可守省城可固海道考云海外蘇州洋西南一潮至浙江名上潭浙江一潮回歷海昌之黃灣又一潮至澈浦名下潭澈水舊志寇由羊山直進先犯海鹽必藉乍浦三關兵船以禦之至下入山為極遠寇船入犯必到入山之盡陳錢壁下山取水候風先年兵船畏風濤危險止守八山之內港隆慶三年軍門谷公中虛設立遊哨兵船委把總一員出哨壁下等洋遇賊卽勦然後內港無虞若八山無哨邏之兵萬一寇掠漁樵人船揚帆入江為害不小初海鹽乍浦船戶繇太倉劉河出洋後苦倭改赭山出洋

鄒泉海防議云防海之策海口為要害在浙則金山定海海寧海門為海口第土兵官軍須參調而用土

兵諳練海道之險易又能役使船戶當于要害處分營以土兵為主令隨便出哨使得撓彼于舟楫之間官軍阨于塘岸之口策之上也然土兵必用哨船巡哨在大洋之內不必過大大則轉動為難須四時分哨上下番休庶可有備無患

海寧所中右營萬曆二十六年額設軍兵四百三員受海寧衛參將節制屬本邑印官統馭汛期屯劄教場西至赭山巡檢司哨邏東至黃灣寨與澈浦中左營會哨

邑令秦嘉系興復海寧中右營兵議曰竊惟國家建

營設兵務圖遠大毋爲苟安陋計遠大伊何曰相地利審時勢權利害馭重輕而後萬全永賴也今浙撫秦公世志清海甸辭朝之日條奏四款爰及郡縣有司覈舊制酌時宜講求沿海之要害旁屈群策之當否甚盛舉也下吏嘉系職守東隅確有見聞而不以獻不亦負諮詢而失機會乎誠有見于興復海鹽駐防而遺海寧不能無後議焉蓋海寧爲省會左臂南有赭山實維江門東有尖山唇連澉浦自赭山達杭六十里而近自尖山而杭百四十里而遙是鹽邑爲吳越關塞寧邑則爲武林胸腹也考省制浙有六

總海寧總居其一又有守禦千戶所萬曆二十六年復設中右營兵其爲重地可知考縣志嘉靖三十二年島寇二百餘人自金山沿海而來直抵赭山又明年七百餘人據尖山四十餘日至袁花市三十四年三千餘人逕趨硤石鎮此往事竊犯登陸之確據也卽今春三月遊鯨突犯澉浦五月內亦曾登犯尖山以憲委吳梅二將官保禦倖免此近事乘潮竊犯之確據也若置此百四十里海塘于不問將海鹽有警直達省會乎亦必假道于寧之廣原也萬一赭山尖山有警將待命于省會乎抑告急于海鹽駐防也不

惟地曠勢孤可危亦且首尾中離爲患大矣夫六總
旣不可考千戶所復改爲運丁計惟有復中右一營
一策額計驍兵四百三員名卽以海寧所軍籍充伍
隸于撫標節制于海鹽駐防參將統馭于本縣印官
把總一員哨官四員隊長十二名什長三十六名兵
丁三百二十四名其出哨有汛月有平月二三四五
爲春汛九十爲秋汛餘月爲平給餉分別有差有提
報有烽候東至譚山嶺爲六廠西至赭山爲六廠廠
各兵二人替班五日按月給餉俱頒領于藩司故終
明之世海寇不敢東向而問渡亦惟恃此一旅有備

無患但設兵易而充餉難爲本縣設兵必向本縣問
餉萬不得已請設三百名則舊全書所載驍兵銀伍
百兩徵解藩司原係此兵舊餉可搜也赭山石墩二
巡司弓兵共六十四名除其鹽餉之累改爲管兵可
用工食可抵也兩司巡檢僅足備穿窬無益于衝擊
且邇來官爲贅疣役皆烏散其俸薪裁抵管弁可議
也兩司石壘舊城各駐營兵一百縣城駐兵一百撤
駐防客兵而招募土著出入守望親如手足兩翼中
馭屹如山立斯固可威而可恃也一轉移間儼然成
一壁壘矣省會以此抒東顧之憂海寧以此壯保障

之勢激浦以此聯首尾之應計無有急于此者况職所憂者先事之防所謀者時宜之計若慮到目前始倉皇而失措事纔過後却弛慢而因循豈久安長治之圖哉敢以興復管兵之議進伏惟採酌施行

海寧守禦所

明初吳元年夏四月浙江行中書省平章政事李文忠奉命調兵戍海寧復命信國公湯和相視竝海要害築城置衛所統官軍各佔汛地戍守洪武三年立海寧衛指揮使司二十年改衛爲海寧守禦千戶所正千戶三人副千戶六人鎮撫一人百戶九人多餘

一人幕職吏目一人司吏一人每百戶總旗二總旗下小旗五小旗下軍十人原額旗軍一千三百五十一名後事故六百二十三名止存七百二十八名原設備倭後專董漕運

守禦所公署

海寧守禦千戶所在縣東一百七十步洪武二十年千戶湯玉建所堂及後堂吏目廳鎮撫廳久之廢正德間千戶金堂許德嘉靖二十八年知縣高尚志相繼重修視舊制稍恢焉明末漸廢清初未復

軍器

局在所南庫在典史幕後

明初各衛所成造軍器有定制其料銀徵七于民九縣

丁田內旗軍月糧徵三千軍內扣派每所軍三料銀三十一

兩二錢額造軍器八副八瓣帽兒盔八頂紫花布鐵甲八副腰刀八把清油大弓

八張線弦十六條鐵頭紅箭二百四十枝弓皮袋八箇箭皮袋八箇另長牌斬馬刀若干改造八瓣帽兒

盔一頂紫花布鐵甲一副民七料銀四十五兩一錢四分六釐九

毫額造軍器一十二副八瓣帽兒盔一十二頂紫花布鐵甲一十二副腰刀一十

二把清油大弓一十二張線弦二十四條鐵頭紅箭三百六十枝弓皮袋一十二箇箭皮袋一十二箇另

長牌斬馬刀若干改造八瓣帽兒盔一頂紫花布鐵甲一副

演武場

舊志在縣東一百七十步廣袤三百六十丈內築將

臺一座官廳三間

歲以春二月朔日開操五月初六日止八月朔日開操十一月十六

日止○邑令秦嘉系初政錄日審得侵佔演武場並城脚官地一案已經通詳復制矣其事起于順

治四年間奸民借開荒名色遂將古制官土佃為民業致起科新編條銀二十八兩正供之益賦無

幾規制之蕩覆匪細惟全書增數刪除斯版籍原址復正今照依縣志額載演武場廣袤三百六十

丈逐一清出志載沿城養馬荒土一條桑枝盡行砍伐俱列圖永遵嚴禁無復侵佔之虞矣

民壯

明正統十四年募民壯本地官率領操練遇警調用

天順元年凡民壯鞍馬器械皆官具仍免糧五石人

二丁以資供給毋輒勾攝弘治二年復定隨里編僉

之制春夏秋三季月二操冬季間三日三操遇警調

集官爲治行糧正德七年始融槩縣丁糧爲差每名
役銀七兩二錢隆慶初編民壯三百名四年巡撫谷
中虛取二百三十二名充餉五年巡撫郭朝賓議操
練乃復七十二名萬曆三年仍以防禦不足加復百
名然實未嘗操練也

秦令嘉系日立民壯專以守城今不過雜用差遣
設所軍專以備倭今不過轉運漕艘演武場原以
操演今且幾爲侵佃夫國家長治不
可忘武况軍興未息寧邑又瀕海乎

漕運

舊制浙江十六衛五千戶所凡係腹內者皆領運如
杭湖衢嚴寧紹台金等衛所是也沿海專以備倭如

海寧衛所臨觀定海金磐等處是也清江浦船廠碑
記可據腹內少事變故用之轉輸沿海多烽警故責
以守禦天順間海寧衛有莊指揮者謀領杭運四十
七艘景泰二年福溫賊亂調遣附近官軍暫將衢州
等淺船三十四隻撥發海寧所代運海寧衛有運自

此始

郡志

國朝康熙間本所運丁領兌海寧漕糧淺船四十九
隻

按運官冊報云額設起運丁船五十五隻內奉減
灰石淺船一隻又抽裝白糧船五隻實運淺船四
十九隻

京倉兌運漕糧正米三萬四千二百三十石

每石加隨船耗米四斗共本色耗米一萬三千六百九十二石加蘆蓆米一升折銀五厘該銀一百七十一兩一錢五分每石加輕齎米三斗六升該米一萬二千三百二十二石八斗每石折銀五錢共銀六千一百六十一兩四錢解淮安府另加路費三十六兩九錢六分八厘四毫兌軍項下榜木松板米九十石七斗九合五勺每石折銀五錢該銀四十五兩三錢五分四厘七毫五絲又奉文加米七十石五斗一升三合折銀三十五兩二錢五分六厘九毫內板木銀三十二兩五錢一分八厘五毫進倉脚價銀三兩七錢三分八厘四毫隨同漕糧交給官丁領運

漕規

寧邑奉行官收官兌自康熙九年始而實行官收官

兌法自十一年冬兌始時開兌稽留因漕規舊例

不明致生需索陸壽名治汝文獻載嘉興令潘必鏡

之議曰兌漕關國計舊例每歲旗軍實運京倉米一

百石止解正米六十五石內贈隨船耗米三十五石

是民間正糧一百四十石旗軍交兌止百石也是謂

官貼又念米多溼潤故令民間兌米百石外加四石

免其晒乾復慮米或不堪再加四石免其篩颺百石

之中七十平斛三十加尖折米三升算共六十斛尖

總添米一石八斗此九石八斗所自起也是謂私貼

則是九石八斗米色在其中篩颺在其中折尖順風

在其中矣若安家則有月糧薪鹽則有行糧起剝僱

夫則有輕齋以致修船有銀回空有銀費三石國
謀而得收一石之用朝廷亦何負于軍哉迨相沿久
而加四之耗晦矣官單發兌粒粒皆曰正供也又久
而九石八斗之耗晦矣漕規發運粒粒皆曰額糧也
于是巧爲截頭之說初謂以耗米本色改折色猶之
可也無何截頭之行久而九石八斗又在截頭外矣
皆緣民不明其本則民不敢與軍爭官不明其本則
官不能與軍爭爲今救時之急者則漕規宜復自官
定漕贈之外不得加耗且又需索米色如故也今奉

部院劉
撫院范

落甲自運條約散戶清單先期給發令自行

照單輸納每戶運米上倉隨照數給發印串歸農出
兌時不使軍民相見蓋向來糧長供旗甲之凡肉有
倉保押單從中搆引故意刁難糧長不堪支值俯首
聽命中之產立破今縣官實將糧米徵足貯廩發
單止填廩口字號督同糧官分頭巡察儘廩出兌隨
移會運官督令開幫設有奸旗延抗卽請憲檄印發
水程速其開行嘉善莫侯新書所稱半月而糧清八
日而兌畢用此法也 撫院范所批一邑如此他邑
皆可訪行者也今歲稔見告而寧邑糧額早完爲他
邑最此落甲自運衆輕易舉之効假使仍責成糧長

荒歲徵收雖破家蕩產有不能卒辦者矣但恐實行官收官兌小民之便而倉蠹奸胥百計阻撓日夜思壞其良法是在縣官堅持成憲以永百世之利云

康熙九年管糧縣丞霍翊陽爲遵憲勒石與民相約竊照漕糧官收官兌七省奉行已久獨以寧邑之軍兌寧邑之糧官役畏難苟安一聽糧里自行交兌有長夫有朋銀有官常有單差有倉甲種種名目每里所費不貲且臨兌時有綱司錢水手錢有淋尖順風有私截百般指勒至有拉鎖上船弔拷者士類且然况百姓乎自康熙六年蒞任期爲併厥交兌不使旗

丁識認也豈意印官中道而廢九年奉 撫憲范勒

石條禁軍民兩便職凜遵條約如長夫朋銀官常等項盡行革去而綱司水手私截一切陋規盡行禁絕漕政可謂徹底澄清矣職今與爾民約其米色務乾圓潔淨隨到隨收隨給串票歸農決不留難片刻如米不潔淨來倉必要篩颺則僱工錢飯食錢狼撒必多其爲損益孰便爾民其審計之

見霍丞勸檄

按私貼米九石八斗本色給發順治三年奉糧道張學聖詳按院杜果題定改作截銀三十七兩六錢四分順治九年奉部并二五耗米徵給銀三錢七分六厘四毫一五耗米不起截銀又于康熙十年奉文今米價稍平漕糧正米并二五耗米每百石均減徵銀三兩舊制行糧資旗軍鹽菜薪米

路費故每石折銀五錢于條鞭項下取足自明季時改徵本色月糧屯丁每名額給一百零五石六斗漕撫蔡題准本折均平每丁給本色米五十二石八斗于本縣永平米支給文每丁給折色米五十二石八斗糧憲支給秦撫院定價一兩一石自順治十四年給屯田後每石扣銀三錢助餉止給價七錢如遇閏月照額議加餘並詳賦役志中

屯糧

海寧守禦千戶所無屯田其軍餉于該縣民糧內支給總旗月支本折一石五斗本色米八斗折糧七斗小旗月支本折一石二斗本色米八斗折糧四斗充發軍士正軍月支本折一石本色八斗折糧二斗老疾軍人月支本折一石本色米三斗折

糧七斗放支本折每年本色米六箇月約該米二千九百三十餘石折色米六箇月約該米二千九百三十餘石該銀一千四百六十餘兩郡志國朝衛所官丁俸餉盡革軍戶悉編民籍止存屯田軍由是計屯起運故海寧運丁改為屯丁屯田之給自此始

順治十三年總漕蔡題為敬陳末議等事內開浙省各衛所有有屯起運者有有屯無運者惟海寧所有運而竝無屯田斟酌屯運地方相隔遠近哀多益寡均田配撥以濟漕運改旗軍為屯丁領屯出運備查

海寧衛屯多船少就近配撥海寧所業蒙 戶部覆准移咨撫院轉行糧道每船給田一百五十一畝頒發屯帖自順治十四年起業完課收租今于康熙十一年續奉部文每船減田三十七畝實給屯田一百一十三畝一分五釐憲給印帖著令遵守此奉派屯田之始末也。

唐鹽官鎮將可紀者一人天寶中置海寧鎮會昌中置硤石鎮設鎮遏使

以本土豪傑領之詳

邑人潘廷章硤川志畧

吳約字處仁杭之餘杭人黃巢之亂約勇畧為郡邑推以功晉御史中丞奏改硤石為訓齊所累官

火曹民部二尚書詳

羅隱渤海吳府君墓志

五代吳越鎮將可紀者一人

高彥海鹽人仕吳越武肅王以密謀誅徐及遂蒙信用前後從征有功以為海昌鎮將彥性淳厚為

政尚簡人頗便之後奏領湖州刺史檢校司空詳海鹽圖經

元管軍百戶可紀者一人舊志載流寓

鄒世聞黃巖人用世襲授海寧管軍百戶詳名宦志

明守禦所官

正千戶三人

楊名西華人累靖難功授武衛中左所正千戶各傳源調海寧守禦千戶所源傳武武傳瑞瑞傳鳳

調建寧右衛左所尋復海寧守禦千戶所鳳傳繼隆繼隆傳勳勳傳師震納指揮僉事師震傳懋忠

萬曆二十年襲

所鎮撫一人

潘諒 山陽人。以守城功。洪武三十三年。授錦衣衛左

所。世鎮撫。調海寧守禦所。諒傳儼。儼傳俊。俊傳

百戶九人

周定 定遠人。以征進功。洪武二十七年。授海寧守禦

所。世百戶。定傳綱。綱傳全。全傳經。經傳

相。相傳應。應傳繼。

鄭福

鳳陽人。以父得。征進功。洪武三十一年。授府

軍右衛。世百戶。福傳全。全傳海寧守禦所。全傳琬。

只里火反

琬傳翊。翊傳冲。冲傳弼。弼傳應。應賜。應賜

傳一魁。一魁傳國。國柱。萬曆二十五年。襲

曆二十六年襲

莊貴成

錢塘人。以征進功。洪武十九年。授江州衛流

百戶。貴成傳敬。調海寧守禦所。世百戶。敬傳

李勝

棗。棗傳椿。椿傳乾。泰。乾泰傳繼。

仕。繼仕傳國。楨。萬曆三十年。襲

陸達

深。水。人。以征進功。洪武二十九年。授海寧守禦

所。世百戶。勝傳恭。恭傳斌。斌傳震。震傳綱。綱傳

盛仁

霖。霖傳深。深傳韜。于

嘉靖三十二年襲

吳成

泰。興。人。以征進功。洪武三十年。授海寧守禦所。

海寧縣志

卷之九

海防志

六

震震傳鸞鸞傳鑑鑑傳朝相

朝相傳承祖于天啓三年襲

吳忠合肥人以征進功洪武二十九年授海寧守禦

綱綱傳誠誠傳翰翰

徐禎句容人父福慶以征進功授山東寧海衛前所

世百戶福慶傳禎調海寧守禦所禎傳瑞瑞傳

是是傳胤胤齡齡傳隆隆傳寶寶傳世

卿以運速陞副千戶舊志無詳郡志

幕職吏目一人係流官

張學詩嘉靖三十年任北直隸人右載郡志

附錄二人

錢佩長安鎮人嘉靖間倭寇浙閩從戚總戎督兵興

化仙游等處以功授海寧所百戶後練兵蘄鎮

晉秩千戶蔡文龍海寧人實授杭州右衛百

戶右二人見備考補入

駐防千總

丁應乾康熙八年四月

羅士英黃岡人于康熙十年十月任去

海寧縣志 卷之九 海防志

徐

談

康熙十一年任駐防尖山

王

珊

康熙三年任次年奉調六年七年十一月復任俱駐防小壘

考小壘自順治三年憲委守備蔣武帶兵二百餘名為始四年吳都司帶兵一百五十名五年徐芳顯六年徐璽七年周懋勳兵數如前八年水師中軍王民裕把總夏啓龍復帶兵二百餘名九年副將劉鎮國駐兵亦同十年千總鄒高以後駐兵以五十名為額如張成名宋應登胡龍並千總陳自銘曹建趙守才陳茂孟武戴進階郭文徐啓並把

總宋宗郊以水師都司俱奉 憲委設防本汛

談祺曰海寧城南即海潮汐不時舟不可泊小壘為江海交會之衝西近省城邑之東南五十里尖山南際海寇舟可泊若有遊艇之警茲其首犯也如防守得人亦惟寧邑安枕省會亦可恃以無恐矣

駐防汛兵

國朝在城駐防初係督標把總康熙十年九月間總督劉拔補城守營千總管轄小壘河南起至譚山嶺

止沿海十九處烽臺縣設兵二百名河南炮臺設兵十五名河北炮臺設兵十名五條圩至譚山嶺每臺設兵五名

尖山營自順治二年設立中軍都司一員帶兵五十名駐守康熙七年巡海大人題定海寧縣派撥杭州城守經制千總一員帶兵二百名分插沿海一帶將尖山經制官撤赴回營康熙十一年三月復嚴海禁奉總督劉提督塞設千總一員帶兵五十名駐守本汛并兼顧北去十里袁花鎮地方該汛有經制百總一名兵丁二十名防守又外海口有譚山嶺鳳皇山大尖山小尖山石墩炮臺五座每臺兵丁五名備司瞭望洋面傳遞警息

駐防公署

順治初設立駐防官舊無公廨至十一年邑令秦嘉系詳請卽八廟故址建署門堂房廡俱備在安成門內

基圖 東西各十七弓八分南北各十七弓又西南小段東西各二弓南北各十一弓三分共積三百一十五弓二分係伯字二百五十六號實地一畝二分五釐五毫

烽堠炮臺 二十一座

從西路起 潘家壩 華家街 將軍殿 關帝廟

老鹽倉 橫路頭 五條圩 牛皮墩 馬牧港

秧田廟 廟前 五里亭 十里亭 廿里亭

周家墩 范家堰 石墩 小尖山 大尖山

鳳皇山 譚山嶺

舊志五寨曰上管寨曰黃灣寨曰硤石寨曰許村寨曰長安寨俱廢烽堠十一曰下管烽堠曰二十
一都烽堠曰二十六都烽堠曰石牌烽堠曰大尖山烽堠曰廟前烽堠曰松林烽堠曰牛皮巷烽堠曰橫路烽堠曰何莊山烽堠曰赭山烽堠今存者見炮臺

海寧縣志 卷之十

名宦志

縣令 丞簿尉 師儒 雜職 官于寧而家于寧者 官不專于寧而有德于寧者

名宦者必有所以名以紀實也寧邑之祀於名宦者令十一人朱公公綽以均地貢名王公炳以息

訟名刁公靡以建學名魯公鉉以荒政名陳公恕

以甘棠堤名臧公夢解以平差役名王公輔以保

障名方公直以寬信名李公芳郭公郊以廉仁名

林公恭章以免解役名丞一人禰公明德以尊學

校名學諭二人羅公能以三品教士名蔡公祐以

端師範名訓導一人。李公完以正學術名。前此陸司空遜以賑饑廟食于此。一時之利。百世之祀也。繼此如許公天贈之。均徑定役。林公奎之不畏疆禦。秦公嘉系之鋤強戢暴。雖未崇乎祀典。而循吏之績久而見思。三代之直不可泯也。因摭三國六朝以來迄于近禩循蹟考于傳記。口碑載于父老者。又五十有四人。垂諸史冊。皆後事之師也。若夫陽鱈之役。人以媼官夫人而去思也。夫人而生祠也。吾不知其所以名也。

縣令

吳陸遜字伯言。吳郡人。初孫權領會稽太守。遜歷任東西曹令史。出爲海昌屯田都尉。領縣事。縣連歲旱饑。遜開倉穀賑之。益勸民農桑。百姓蒙利。卒後。邑人思之。建陸司空廟以祀。

按鹽志。漢末廬江太守陸康始家于鹽。司空其從孫也。仕孫權幕府。尚桓王女。封江陵侯。爲丞相。則司空以郡人領縣事。故兩邑皆有陸司空廟云。

南宋鹽官令顧覲之。字偉仁。吳郡人。史載其爲山陰令。而令鹽官事無考。據史稱前後劇縣官長晝夜不得休事。猶不舉覲之禦繁以約。縣用無事。晝日垂簾門。階閑寂。自宋世爲令。務簡而事理莫能尚也。邑

人顧歡好學有重名。覬之臨縣見而異之。遣諸子與游。及孫憲之。並受經焉。

考南宋
苦補入

宋朱公綽。仁宗景佑四年爲鹽官令。有惠政。蘇夢齡記畧曰。昔吳越錢鏐。兵聚壤狹。必厚賦。乃供暨宋均。地貢將命者。弗克減。惟公綽自秘書。涉涖茲土。勤宣惠澤。究察民瘼。建鹽法。損菱輸。省茶稅。清田畛。更葺縣署。寧邑首稱循吏云。

王炳。字子華。華陽人。徽宗政和七年。令鹽官。其政績具見于陳昱記。曰。鹽官濱海。號稱難治。主子華始來臨之。期年。吏畏民安。爭訟息。鹽利饒。政有條理。日多

閒暇。因別爲治事之所。令得安其居。吏民出入。益知畏憚。子華大丞相岐公之從孫。瞻才術善。決遣其除弊革故。不勞而成。觀其政。可槩其爲人也。

歐陽珣。字令美。吉之廬陵人。舉進士。爲鹽官令。有惠政。以薦召入官。京師靖康初。議割三鎮以和金。珣力爭不可。忤時相。命使于金。爭益力。遂見殺。

刁靡。丹陽人。紹興五年。令鹽官。先是學宮毀。靡重建焉。役竣。張九成屬記于晉陵。胡埕。埕蓋與九成同官者。其言曰。靡治尚簡。靖察奸不苛。獄訟衰息。夫埕爲無垢先生所推。無溢美可知也。

魯筮樵李人也光宗紹熙甲寅宰鹽官治務在修舉紀綱靜而不擾其宰鹽官之二年水旱爲沴歲大歉告饑者二十餘萬人筮請于府府爲之上聞得太倉粟二萬斛屬筮賑之夙夜奉行唯謹務底實惠焉越明年迄事課最在諸邑上而春暄疫大作復命醫療藥石而饋粥之家至戶到所全活甚衆是年八月秩滿十月新令垂至矣將趣裝造朝乃又念向之死于疫者必不能葬于是屬邑之善士收千餘骸火之作三叢冢以瘞焉且鐫死者姓名于石凡諸所費皆取于公而饑者得食病者得醫死者得葬可謂仁人之

用心也筮在治三年庭下肅然健胥走隸無一人敢怠忽欺上客嘗叩公何術致此則曰吾豈有巧心奇數以逆詐籠奸也哉臨之以至誠待之以不倦行此三年祇如始至之日耳是殆古人所謂惻惻無華而下自不欺者見從事郎葉延年碑記

按鹽志魯氏世居當湖仕版最盛有名筮者紹興中爲鹽官令有救荒功則公亦鹽邑文謚之裔也
筮在陳恕後紹熙甲寅任鹽官鹽志訛爲紹興

胡旒字與立無爲人紹興八年任鹽官令崇寧以後縣令題名未備旒輯爲一編以續圖經張九成記之其言曰紹興戊午胡君與立以學行承天子命來宰

是邑下車之明日日出條教數章告吏若民行之期年百廢具舉頌聲載塗部刺史交章論薦邑中士君子交袂相賀喜斯道之復見也其推重如此

陳恕會稽人孝宗淳熙十六年令鹽官重修學宮及鐘鼓樓築二十五里塘至今稱爲甘棠堤云

按舊志載太宗題柱曰真鹽鐵使又云紹興五年重修縣治考宋史鹽鐵使陳恕字仲言卒于真宗朝今志載恕以淳熙十六年任鹽官令淳熙孝宗乾道之改元也上溯興國百五十二年其志重修縣治在紹興紹興高宗建炎之改元也下迨淳熙十六年亦五十年此記載之悞蓋前後有兩陳恕真鹽鐵則洪州之陳恕非會稽之陳恕也孝宗以淳熙十六年崩光宗嗣位改元紹熙恕重修縣治當在是年圖經題名云恕以淳熙十六年任紹熙二年八月滿此是確據

潘景夔括蒼人開禧四年任鹽官令慈祥臨民儒雅飾吏政成暇日據臨安志全書增考故牒命秀士相與訂政之蓋胡旹續圖經之後景夔又爲之續云後有作者雖或加詳實本諸此

吳由宋末咸淳間任鹽官令其政蹟他無可攷獨與邑人楊均重輯圖經作先賢錄表章晉唐以來諸名賢之產于寧者其祭許太守文畧曰由幼讀書而知有睢陽戰守之烈茲試令而獲武原忠義之鄉私竊自幸因與楊君訂之舊史質之通鑑參之長曆夫然後知睢陽云云讀其文知非俗吏

趙汝結紹定二年爲鹽官令下車卽率同寮拜于張無垢先生墓下重建墓亭粉飾史越王祭文辭板又過淨居院創先生祠堂奉香火寺僧源上人藏先生簡帖十餘紙卽命工刊之旣而故家皆出所藏以獻悉刻之不遺司業于有成記云先生長子伯厚早世次子幼厚居于廣八十餘老貧不能歸幼子孫厚亦已亾今爲先生守松楸止有孫勛重孫克仁而已饑窮困乏乃值邑宰撫存而禮遇之士大夫識香臭知所貴重如趙君天下能幾人哉

詳橫浦家傳

劉誠之大梁人任鹽官令圖經有一脫簡題名記云

誠之以文章登進士第以器能被當塗薦試刃茲邑希踪前哲以恩撫筮與春同熙以威肅奸與秋同烈刮磨弊病修舉廢缺有一未及歉然于中

趙維寰云按記畧則誠之亦良吏也然考前後縣令題名在崇寧前則有劉舜卿劉拱崇寧後則有劉偉劉開士最後則有劉繹而絕無誠之名得非諸劉中有以字行者耶姑識之以俟博雅

元知州臧夢解慶元人宋末進士至元十三年宋亾以薦授息州知州尋改知海寧州夢解學有淵源而廉慎剛直居官門無私謁吏畏民安自下車後州增戶七百六十有四增田四百四十三頃治行爲諸州最按察王慶之入其境大異之遂與御史臺以才德

兼備薦旣滿秩會江陰饑行省屬夢解往賑之活者四萬五千餘人未幾擢浙江肅政廉訪使大德九年以老致政退居杭州自號魯山大夫

陳善曰當長民之寄而能使戶口繁滋田野開闢此最徵爲吏之美乃漢之王成以僞蒙賞則傳記所稱豈皆得實耶如夢解者以學爲政立法良而氓業益則孰得而訾之

李愨順帝至正四年知海寧州修瓦石堰重設車注之具民皆利之

王輔字正卿冀寧人至正丙申歲知海寧州心存嫗育有所徵輸于民恟涕泣命之時納哈取宐興楊完者克大麻慶童討華亭後皆鎮禦州境民苦供億賴

公輔曲加綏戢俾無逋亾杭州路總管咬任爲作王州守安民碑美之

張光祖知海寧州兼勸農事知渠堰事州以旱告虔

禱妙智閣下甘雨隨澍明年夏復大旱苗盡槁公率

僚吏復虔禱閣下一雨三日枯苗淳興歲大熟又嘗

治長安三閘秩滿去官劉文成公爲序以送之曰至

正辛卯夏五月劉顯仁自海寧來致其友賈希賢之

言曰海寧瀕海斥鹵地民勤而貧吏肆而器自我張

侯來鄉不見吏田疇屢豐租賦時集譁訐之聲化爲

三歲之間洋洋乎里閭今且代去願留之而不

可得也。余聞而嘆曰：美哉張侯！今之爲人牧已代而使人思之者鮮矣。居于位則人畏其威，且滿則相視爲途人，甚則排而去之，惟恐其弗亟間有欲之者，非素所矚則爲卒。若吏於民無與焉。夫設官所以爲民也，官爲父母，民爲子，爲父母而使子不我愛，亦獨何哉！今張侯能使人惜其去而希賢，又爲善士與義學以淑鄉里，其所慕尤不苟云。讀其言，張之賢可知。

明方直建安人。永樂十六年由監生任海寧縣寬而不弛，忠信敏練，治聲翕然，擢御史。

李芳湖廣公安人。成化四年以進士知海寧縣，操行皜然，有惠政。

郭郊直隸肥鄉人。正德十一年以進士知海寧縣，介守過人，明斷得大體，擢南戶部主事，疾作卒于長安。鎮遺篋不能營殮，具其廉如此。

何俊字宅卿，南陽人。嘉靖二年以進士令海寧，閱三年所簡樸恬諒，持以潔修，事不徼其名，要其實，心求盡乎已，匪徇乎人。政達聲流，按浙韓侍御知俊之能，檄所司備禮獎之，以風勵長民者。清修之譽特起，俊不意滿色喜也。許相卿序曰：君子成天下之務，曷不於才於志，又曷不於遇夫？侯早夜以思，幽顯以咨，得

民便安移請而拂焉議建而格焉肘掣背馳政之不
圖民於何有則是獎也匪矣之願繫吾邦人之便吾
聞之相天下者稱宰令曰宰成我者稱師令曰師生
我者稱父母令曰民之父母夫有相之責故才者安
有師之道故賢者安有父母之愛故老成者安世非
無才也才者恇放而少檢故才難非無賢也賢者多
泥而于事情濶焉故賢難非無老成也老成者熟于
世故閑于事體或持重而觀望故老成難矣殆兼安
焉而無其難者耶抑今日爲邑之難也不直其人也
時爲甚天災流于中士民力竭于上供比屋喁喁望
俟如歲所以宰制之如相撫綏之如父母化導之如
師使亂者理仆者植蒙者化顛連無告者得所罄室
危生恃之爲命是必有道矣俟其日懋而月有成進
而傳循良世尸祝可也

楊挺高金鄉人嘉靖中由進士任海寧令廉貞絕俗
甫期丁艱歸士民追送者如歸市服除當補平湖士
紳之官于京者稔其海寧政請補平湖公蒞湖三載
卽服食細品必衡中紡績藝圃以自給入覲欽賜銀
牌一鐫云天下清官楊挺高歷方伯致政歸嘗褐衣

皂帽課耕于野如老農然今祀平湖名宦

嚴寬丹徒人由進士嘉靖十二年任海寧縣時因捍
海塘之役建議準海鹽例歲儲均徭役銀以備修築
自後寧邑設海塘夫一百五十名年儲役銀三百兩
著爲令自寬始也寬之經畧具見于水利議

鄭伯興嘉靖三十二年任許相卿贈序曰錫山鄭侯
以進士起家來尹海寧其言曰令猶牧也不擾其畜
則生息遂孳育繁矣故其愛民尤以休息不擾爲尚
夫擊斷不測可以駭威神鉤摘隱閔可以凜神明表
建奇勝可以樹名績征輸期會可以稱幹敏爲政者
類出此侯一不屑意以煩民也今茲夏秋島寇猝犯

海徼其勢張甚監司欲以糧勸民侯持不可曰貧民
尚逋常賦則罄已廩貲以給之欲以兵授民侯又持
不可曰不忍驅白徒以膏島寇且食于民者軍足用
也至以利害恐之而侯屹不爲動故島寇再臨境上
邑人晏然不知行陣之勞餽饗之費也漢法吏有治
效異等輒降璽書勉勵復增秩賜爵所以重爲吏勸
也方時尚煩苛操切之風而侯獨簡易寬平昔人所
謂其政悶悶者與然侯不以日計小得而易歲計之
有餘此漢吏之治正政之遺也聖代方興堯舜之治
宜有取于循良以備輔弼侯之顯聞榮名將與黃次

公朱仲卿異代相望流光竹帛以傳無窮乎

李維蒙城人嘉靖三十六年由進士任海寧居官清

肅苞苴不行客有餽午節儀先問吏胥探其署中急

需物為一一具進侯覺之正色謝曰吾曹相與豈安

以窺探為精神耶其人汗顏退他事方嚴多類此按維

祀蒙城鄉賢歷四十年友復勘詳始名故蒙士公詞有祀不遽祀行不遽行之語詳見渦川行實

許天贈黟縣人由進士任寧令隆慶元年奉檄丈田

前此經界參差科則不一侯精勾股法于弓步之中

照畝通攤徵額無虧而官田官地偏枯之累埒江空

號虧田之患及奸胥那移飛灑之弊一時盡剔其法

存原造丈量冊有魚鱗圖冊有原造業主冊有歸戶

實徵冊其丈田有鈔弓有木弓有竹篾弓鈔弓以鄉

尺六尺為準木弓以鈔弓二弓為準由之短者用之

篾弓以鈔弓二十弓為準田之濶而長者用之始于

丁卯正月訖于戊辰二月以田準稅以稅乘田闔邑

至今便之丈量冊畧載賦役志

蘇湖滇南太和人萬曆四年九月任海寧令時海鹽

海嘯波及寧塘盡圯漂廬舍殺人無算巡撫徐弼議

修築而難其人湖適至徐即委之湖輒定議擇本縣

官民之廉幹者令各認丈尺編字號酌難易為裒益

尅期興作懸賞格以課督之于是以五年之二月中
興工至四月而役竣先是縣官估計塘二千三百七
十八丈應工料價五千二百二十八兩及是會計費
纔一千九百七十六兩事半功倍寧至今傳誦焉
陳楚產麻城人萬曆十四年任寧令以晚歲登第洞
悉民隱禮諸生必于賓館談說文藝一語及私正色
謝之御史嚴無錯貸以是多萋菲及楚產丁艱去會
歲大稔上發帑賑饑者當事輒乾沒人鮮得實于是
向怨者皆相顧竊嘆曰陳侯在當不至是公論自此
乃定

林恭章字靖宇莆田人由進士萬曆二十五年任慈
和不伐愷悌性成爭訟至公庭者侯勸諭如家人父
子訟獄衰息居官無赫赫名去後見思先是寧邑十
年之役糧里兩充黠僉解役賂費繁重十當九廢非
歾則逃侯議并糧里均派田畝選官吏給帖領解絲
毫纂入條鞭凡解費多寡以最少者爲率自此賦役
得均樂縣無不當解之里長亦無罄產之解役鄉里
免累包侵又絕勒石縣門刊刻成書至今頌良法焉
蓋准邑耆民俞良謨等呈請也侯祀名宦祠外別有
專祠在光華亭橋側里中紳士祠侯卽以良謨肖像

配祀云政績詳力差津貼款冊中

闔學諸生呈請督學許公身云為名宦舊德不忘遺老篤行可淑懇崇祀名宦鄉賢以光盛典以振頹風事竊惟有德者祠于其土無位者何必非賢故宦以名聞古云遺愛鄉以賢著詩頌先民慨三代直道不彰千秋大典容濫進流官于俎豆皆緣身後有人祀名德于春秋大抵生前曾貴是名宦不論名而祇論勢鄉賢仍序爵而非序賢欲振頹風必昭曠典竊有已故海寧知縣林諱恭章者萬曆戊戌抵任萬曆甲辰年去任起家八閩首令一方六載懸魚寸心茹藥建議均龍筆諸役捐貲罷緝織諸徭除害甦民無為謚治庭可羅雀流涕感爭訟之夫城不憑狐清嚴化駝法之吏迨攜琴書以去任行色蕭然及官方面而掛冠清風若故迄今寧民垂四十年懷侯如一二日過祠堂而必拜父老歛歎遺政而不愛子孫福澤所當崇祀名宦以風長吏之循良者也維時有已故海寧縣布衣俞良謨者抗言良牧矢志勤公凡林侯典葦之章程皆良謨慷慨所建畫片語開范方伯之疑飛

文自許大夫之節老而彌饒貧且益廉所當配祀鄉賢以勉良民之好德者也伏念林侯三紀去官良謨一介無勢彼固年湮事遠非有情面可徇此亦身歿人微豈有偏私所屬實諧輿論共發公心仰祈破格賜批奉主分祀寧邑士民幸甚天下風俗幸甚

謝紹芳字劍緒福建甌寧人乙丑特簡為寧令其先

侍御以兩邑循良召入侯治寧設誠力行與民休息

江南好訟誣命尤多長吏不察動輒勾攝歿者不保

其骸生者不保其室侯遇誣命者應時剖折因是溝

瀆無冤鬼凡案無留牘所全活不可勝數駮法者亦

無所縱舍奸暴懾息後用循聲亦擢南臺御史可稱

克負荷者矣邑太守許令典序侯云游刃矣而躊躇

四顧飲冰矣而偕與陽春一言以括之曰耐煩此實

錄也

詳許淮陽送謝侯入觀序

林今名空字子野福建侯官人明崇禎癸未進士授海寧令澹靜簡穆不務科指若諳忽于吏事者下咸易之會東南所在風發邑之袁花鎮有李刀三故大家奴素以黠稱于是乘間煽諸毒怨于諸大家者揭竿起而已陰陽構兵其間勢洶洶各以狀聞公恬置不問尋降牒云某日縣官詣鄉約所講約按期至則各數千人擁而譟公又恬不置可否衆愈益易之旦日召衆講約有頃卒密縛刀三至庭下人皆大驚公

徐起問庭下人本縣自下車廉此人姦狀罪當歿衆謂若何咸應聲曰當歿公立令健卒杖殺之當是時兩家人人嗟服且震恐公啓匣中出一紙曉諭通衢以元兇既除餘悉不問各解鬪安業國法尚在毋蹈殲滅衆懼呼釋兵一邑安堵公措置閑暇方畧皆先事辦不可測于是威名大震平常御左右不察察一日召諸胥吏詰之曰若以某日某事黨而欺若以某事市法啖民錢有之乎皆叩首承服劊艾有差終公官莫敢欺而市者性澹泊無嗜慾厨傳蕭然不知肉食有吏伺其乏啗以金公張兩手示之曰若睽吾十

指骨相從何處受金耶節府諸大吏無不嚴敬公清
操者部民來訴事或對簿必告勉以孝弟廉讓如賢
父兄之教誠子弟久之民以及公訟庭爲耻翕然嚮
化是時江左雖苟安然亂萌交煽而寧獨大治諸增
城浚濠保障剔勵必勤詢博議濟算既定咄嗟儲辦
民便而事興其與士大夫交遊真率無岸谷然莫敢
于以私偶勢人以請囑謁及接公冲殺澹遠含吐道
風謁者若自失坐移時口不忍言事而去其見敬畏
類如此名諸士講學課藝日不倦所鑒拔皆異才鐫
其文曰士相見篇吳越紙貴明年四月間大兵將至

卽解綬去去之日民老幼數萬環公泣公亦泣陳其
裝于庭竹筥布囊皆不設紐鑰令民遍啓視藥裹書
籤而外惟絹素四端而已民各提筐擔盒以蔬菓茗
醞餉公者受之以錢帛遺者悉不受民泣涕固進公
乃曰吾不忍失父老意人取一錢以志父老愛我衆
追呼號慟數十里始還公至家寄書有云寄言父老
休相念我死魂猶到是鄉寧人見者無不墮淚公歸
黃冠草屨授生徒自活又逾年某月日語其徒曰我
今日得死所矣具衣冠赴兵而死

邑人沈琦撰

國朝秦嘉系字公緒湖廣京山人順治九年由明經

任寧令聰斷明敏下車發奸摘伏綱紀肅然先是法
守凌替上下無章里中夙蠹巨憝以挾制官吏爲雄
長有抗賦窩訪告案山疊莫敢誰何者有通洋捕魁
淫惡滔天玷敗風化烈焰難于髮數者有下里齊民
羣盜任其擒縱公事由其掌握者有線窩擁衆擒人
索餉實繁有徒者有盜梟餘孽屢擒屢脫千贓萬惡
罄竹難書者侯一一窮其根株剪其羽翼民害始息
風俗一新至如開浚市河修學校葺邑乘建義塚清
豪佔政績詳初政錄中至今談本朝吏治者必以秦
侯爲稱首云

丞簿尉

宋黃珪字元功福建侯官人崇寧間太學內舍生也
政和二年釋褐爲三衢教授夏除杭州州學後從辟
爲鹽官縣丞先是方臘竊發于睦州攻掠旁郡賊平
剽復郡邑給復三年并任賣鹽鹽官亦預其數後鹽
法復行適當歲饑爲令者務趣辦以爲己功詠令人
戶請買尋責其價急于星火帥府知其擾改以屬珪
珪曰急疲民以悅上官吾何能爲于是盡呼邑之父
老告諭之曰有司持此以供公上固不可蠲吾將寬
若程督免若追胥若曹亦樂輸耶邑人皆曰戴公之

德敢不赴期踰月而辦秩滿屢薦除大理寺丞紹興
中擢監察御史遷吏部郎

郡邑舊志皆缺詳邑人張無垢先生黃吏部墓志

婁機字彥發嘉興人孝宗乾道二年進士任鹽官尉
通達敏辦七攝鄰邑篆具以治績聞丁艱去已調於
潛丞仕終禮部尚書同知樞密院叅知政事初登第
釋褐除尉其父壽戒之日得官誠可喜然爲官正自
不易以是敷歷中外多建豎載宋史全傳

明楊銘德

一刻明德

字志學南雄府保昌人性至孝洪武

中以太學生歷丞三邑治分宜龍陽皆有善政其丞
海寧則繕學宮新廨舍役不勞民賢聲益著擢寧國

知府端以德化郡賦逋積累年未嘗加意督之一旦
爭輸納皆日無貽公憂後坐累逮至京左遷刑部主
事未幾出判紹興鋤強扶弱興利剔蠹士民莫不懷
德景泰中廣東布政使韓陽行部至南雄嘖嘖稱其
賢拜遺像而祭之

陳嘉福建長樂人宣德七年爲海寧縣主簿性剛直
涖事公正縣與海寧千戶所雜處軍輒縱官馬戕民
稼及託夜巡以擾民嘉請于上官乞以夜巡事屬有
司其官馬害稼者民戮傷勿論咸報可由是民庶按
堵秩滿老稚遮道願留徑告致仕去人更多其廉退

云

閔軫。汪西浮梁人。正統元年舉賢良方正。爲海寧縣丞。御事簡捷。職司清軍。甚有方畧。秩滿。父老。擁道送行。陞漳浦知縣。

盧丞珂。嘉靖元年任。九年遷河曲令。許雲邨相鄉送行。序曰。盧君起諸生。丞海寧。九閱歲。家不支。伏臘囊不給。裘葛金盞屢空。孑然故諸生也。今年春遷晉之河曲。長民甚宥之。而難其去。謁予序之。夫盧君之所以得民。非一端也。而端于廉。今夫廉不同矣。太上安之。其次利之。其次強之。爾強而廉也。人共難焉。廉而有

有恻。又加難焉。廉而有恻。貧而不悔。而又歉弗有也。將天下難焉。盧君暮晚滯淹。貞白卓偉。君子以爲難。而民方嘆咨之。聲歌之。像繪之。又圖尸祝之。未已也。君顧無幾微矜衒之意。動于色。謂之廉而安者。非耶。彼哉。今之從政者也。夫貪墨以敗官。諉曰地卑。直倒行而暴施。故士耻其行。低汙以來。詬諉曰俗。許顧誓天。而詛神。故民憤其誣。吾于盧君之吏海寧。而知官不于其地。于其人。于其人。而士之耻雪矣。吾于盧君之去海寧。而知許不由于民。由于吏。由于吏。而民之誣白矣。盧君行矣。懋之哉。

師儒

明曾杲邵武縣人永樂間任寧學教諭爲纂輯邑志蓋自宋圖經以後杲始修之

羅能吉水人正統甲子年任寧學教諭其課士也分三等鷄鳴而起夜分不倦是時師道猶嚴士皆絃誦于泮宮非若後世名爲師弟子泛然如萍梗相值其賢者不過修歲時之會已也然如羅之倡率不倦亦鮮矣明代以儒官列于俎豆者能爲之首

祭祐晉江人正德六年任寧學教諭論者謂祐忠誠謹正直光明端師儒之範峻禮法之防云遷湖州教授去俎豆名宦

李完號缺齋德化人嘉靖十三年由太學生任寧訓導究心聖賢之學其人氣和行方色溫言厲士之被其化者不啻膏雨濡浹而又凜然秋霜不可犯凡品騰勸懲人人厭服其燕居也必攝衣冠雖甚寒暑不改常度他行設一依于厚此無忝師道者遷青縣教諭去諸生詣當道懇留之不可謝德聰爲撰去思碑配祀名宦

鄭日休字舒軒閩縣人以萬曆四年由舉人任寧教諭先是弟子于博士官取羈縻而已先生至旬有試

月有會具饌以待。懽如家人。尤重行實。後文藝每諄諄語多士。若等任衣冠。幸自愛。否則縱辨過雕龍。足追名教。罪耶見士。以非公溷有司者。遽召諸庭而呵之。或遭枉抑。必力爲白。終得直。以故人皆感奮。譚訓導歿于官。貧不能喪。先生爲之殮。躬視飯含。他若賑貧士婚葬。輒割俸予之。其厚德如此。先生爲闈鉅儒。于文定慎行者。嘗執經門下。先生之謁選也。文定作詩送之。有不合先生長落拓語。旣司教。應廣東分闈。聘嘗爲水利議。復鹿記皆有裨于寧者。擢惠州司李。

去崇禎年祀名宦

復鹿記載
學校志

張小泉佚其名。任寧學留意風教。議祀董蘿石。淫其孫虬祥。貧不能舉。張呼集諸士呈請當道。一切悉爲代辦。不十日奉主入祀。一時競高其義云。見備考

范驥曰。布衣董蘿石之從祀。張學諭請之也。廉吏許淮南之從祀。鄉耆俞良謨請之也。其子若孫皆貧不能辦。而一出于學校之公。父老之義。其人與事皆足傳也。

趙維寰字無聲。平湖人。庚子應天解元。天啓丁卯任海寧教諭。先是師道日下。士習日卑。先生至任。首遵會典。申議正體統。以振師範。學憲重之。著爲永式。邑

侯謝公紹芳有意修輯縣志屬先生秉筆甫傳檄採
故實而浮言間之侯亦憂去志不克就先生慨然曰
志可不修書不可不讀綜前後所摭採者彙爲一編
日寧志備考分門標類皆出獨見如儒官不列縣屬
水利別于山川祠廟別于寺觀後之蒐采邑乘者咸
資爲故實焉邑人祝司空以函曰先生嫉惡如風而
開敏博洽于書無所不讀以彼其才安抽金匱石室
之藏以潤色鴻業于一邑志何有許太守令典曰先
生學博綜扶輿其人慷慨木強自庚子迄今困公車
三十年研穿裘敝邑邑不得志乃退而振鐸吾邑凡
士之翹楚者必拔而躍冶者必創遇公正一發憤無
避忌袒左右聽者解頤心服皆實錄也榜其堂曰師
嚴道尊庶幾無愧色云

閔自寅字人生湖州烏程人也崇禎九年由舉人任
海寧教諭家世鼎貴退然守儒素士無貴賤皆竭誠
待之被其容接者如見慈父如坐春風中以故戶外
屢常滿然貧生執贄進必力辭曰我忝爲人師而顧
損汝饔飧耶其所以培護善類者甚至間有敗行必
號之勿令辱儒衣冠也往者黷役狎諸生相爾汝背
輒呼其名字聞之赫然怒撻之曰若輩無禮敢名吾

諸生耶由是相戒歛戢遇邑中大利弊必以告令長令長雅相重輒首官人多陰食其福者秩滿邑大夫士及細民皆悵然若失爲立去思碑後官至常州府太守。

國朝林譯福建人順治初由教習任寧學教諭廉潔自矢諸生羔雁絲毫無所受晨夕衣短衣擁帚灑掃至聖殿庭及先賢先儒廊廡朝燈夕香經歲不倦邑人張待軒次仲送林學博歸里詩三年樽俎勞芳薦五夜詩書映短檠蓋實錄也任滿掛冠遊嘯湖山卒于杭貧不能舉喪邑弟子買醵五十金爲先生歸櫬

于闔後之官于此者以廊廡爲寢室去則委之胥役鴨闌鷄塢褻越已甚維彼哲人夙興夜寐灑掃庭內如之何弗思。

按元至大間陳登任海寧州訓導爲建學倉是時慕義之士捐田以贖學而輸租于倉士或不給饘粥而得食于公廩者多矣今學倉廢而益思作者之功登常爲州學記知亦優于文學者明正德間莆田朱泰爲教諭闢池于泮宮前四面甃以石趙維寰云寧學地靈鍾此厥功偉矣又如通判張汝賢之署篆于寧也捐三百金重新經閣至今肖像

閣中春秋二丁大祭已畢必別具牲肴以祀之亦崇德報功之義云

雜職

鹽監催煎官微矣宋以科第爲之其人後多至大官有勲名宋時猶不限資格苟階尺寸俱能自見也趙致諭維寰按圖經題名記叙列三人

王墀山陰人慶元間任鹽官買納鹽監其所轄上管下管蜀山巖門凡八場歲額以石計者十三萬九千有奇于臨安四場中爲最鉅墀治繁劇游刃有餘而以其暇寄情于翰墨嘗彙本監前事之人自爲題名

記勒之石

談鑰吳興人任鹽官蜀山場催煎官嘗輯催煎其地者十有八人勒諸石而自爲記畧曰鑰叨第赴調授任于此承乏三越月竭慮補罅事稍就緒會邑大旱使者以朝命差稽察賑濟督課之外賦廩勸分爲日不給旣又被檄監仁和納場文易押姚黃袋兼本司主管文字今年二月以溢額犒格得錢三萬又得石于邑長因詢前政得龍渡以來若干人命工鑿石鑰之言如此非俗吏也

陳桂永嘉人任鹽官南路場催煎官廉勤有吏幹躬

勸督亭民咸樂歸業課額日增浚河築倉具有成績
場之士民德之卽龍井廟建生祠武林萬日暹撰記
其言曰八九十年之害不一歲而除六萬七千石之
額不一歲而裕公私兩便士民咸悅是祠之建亦豈
足以寓報効之萬一耶至若君之儒閑爵里清聲茂
績有達尊應公經理鹽倉記在日暹謹據輿情識于
祠右云。

官于寧歿而家于寧者三人古循吏居官長子
孫有姓氏此猶有古之道歟舊誌槩列寓賢非
其例也

宋縣丞趙汝讓乾道七年來丞鹽官有循績因家焉
明洪武初邑令何得舉晉江人由進士任寧邑德惠
及民任滿遂佔籍海寧後改寧府紀善致仕還卜居
于雙仁巷終焉墓在西門外子熙任南京光祿寺署
丞有詩集行于世

元管軍百戶鄒世聞登之黃縣人用世襲授職戍杭
海寧寧地瀕海竈民多私鬻鹽官禁甚重有犯禁者
例與管民官共理管民官欲竟法公曰民貧故耳卒
不竟法民至今稱爲鄒父後屏居硤石見郡誌。

官之專乎寧者志之官之不專乎寧而有德于

寧或有事于寧者亦志之蔽芾之澤遠及江沱
亦風人行南之義也寧志備考仿人物之有流
寓焉得其例矣

沈文季杭郡太守蕭齊永明三年冬富陽民唐寓之
作亂分兵剽掠漸及鹽官時邑令蕭元蔚逃去文季
檄發鹽官海鹽諸民丁授以方畧力爲捍禦民乃按
堵。

周寶字上珪盧龍人唐僖宗時爲鎮海節度使以黃
巢倡亂所在羣盜蠡起寶練兵固守判杭州爲八都
各發兵戍之而鹽官居其一。時王戍鹽官都者徐及
也。

李偃于宋政和五年以起復集賢殿修撰爲徽猷待
制知杭州常奏湯村岩門白石等處竝邊錢塘江與
大海通自受兩潮漸至侵嚙乞依六和寺岸用石砌
疊詔從之。

盧秉權宋宣和中提舉兩浙鹽政爲定諸場分數自
六分至十分止而鹽官場則爲八分蓋約得鹽多寡
以次第之秉權言鹽官場煎用錯盤故鹽色白他場
俱塗石灰故色黃云。

朱蹕湖州安吉人也建炎三年金師偏餘杭杭守臣

康允之退保赭山。蹕乃白允之請率弓兵士軍前路拒敵。使民得爲逃。死計尋中流矢。死赭山。

毛漸字正仲。江山人。舉進士。嘗爲兩浙轉運使。會浙部水溢。詔發緡錢二十萬。議賑漸言。錢不可繼。宜治水。乃按錢氏有國時故事。起長安。至鹽官。徹清水浦。爲決其水入于海。漸治水之功。在處皆著。茲紀其在鹽官者。

林琦。閩人也。德祐二年。元兵逼臨安。琦于赭山結集忠義數千人。捍禦海道。以功補督府。主管機密文字。已從文天祥與天祥同被執。死。

元董文炳者。以是時分兵三道入臨安。獨領左軍沿江入海。循海而南。由華亭。澉浦。次鹽官。鹽官臨安劇縣也。固守不下。將佐請屠之。文炳曰。縣去臨安僅百里。聲勢相及。臨安既有成言。吾苟輕戮一人。大事去矣。况屠一城乎。于是遣人入城諭之。守者遂降。尋會伯顏于皋亭。

高睿。河西人。歷翰林待制。除嘉興路總管。境內有盜。白晝掠財。捕者莫敢近。睿下令。不旬日擒之。一郡以寧。遷浙西道肅政廉訪使。鹽官州民有結黨持郡邑。短長。目曰十老。吏莫敢問。睿悉按以法。闔境快之。

慶童江浙行省平章也順帝至正十六年苗帥楊完者守杭州恣橫無忌童避之為移鎮海寧州州地瀕海饒瘠民貧童治以寬大招來撫循居二年盜息民阜寧人德之童字明德本康里氏世為顯官

戴文瑩字君章沂州瑯琊人為兩浙轉運判官嘗分職巡鹽官場法飭弊釐國課足而民不擾時徐一清陸居仁為記其德行勒之石

明信國公湯和字鼎臣鳳陽人以洪武十八年奉命巡海上改剗衛所巡司設險禦倭今海寧城和所增築也視舊加高五尺又移硤石巡檢司于石墩築石

墩城

信國築城時給用工匠往往過望丁壯多入民家闕其墻垠堦序之石及諸確磴擿諸城下浙人謳曰京困巨倉公卒聊浪墻除確磴公城掘壘其客王文啓曰浙人讙矣奈何信國曰若以國之無備及于戈鋌蔓草延竈下蟲豸生井白安所得確磴乎復有讙者老夫將手刃之不踰年並海諸城皆竣

通政使趙居辰以永樂二年奉命治水利行縣先是

十二等四都地勢窪下古有圩岸以備水患田內水溢則車注于河水竭則開溝引溉歲久圩岸圯濬澇無備公至役夫修築岸之兩傍樹以桑柳固其址民

便之

按十二都帽字等圩凡四十九圩扇在縣西北四十五里凡官民田一百八十七頃六十五畝四分四厘六毫五絲各圩岸塍凡三萬三千三百六十五丈四尺各圩徑塋凡二百一十一道計一萬六

千二百五十三丈桑五萬八千五百一十九株柳
九萬九千一百一十二株十三都臣字等圩凡
一十三圩在縣西三十五里凡官民田八十六頃
八十五畝二分五毫五絲各圩岸塍凡二萬六千
七百六十三丈各圩徑塍凡六十六道計四千八
百丈桑一萬一千二百二株柳二萬三千四百七
十六株十四都周家村等圩凡一十七圩在縣
西北三十里凡官民田一百一十四頃九畝五分
四厘六毫各圩岸塍凡一萬七千三百七十一丈
各圩徑塍凡一百四道計一萬二千四百三十三丈
桑一萬七千六百九十四株柳四萬七千九百七
十三株三十二等都李家等圩凡一十八圩在
縣東六十五里凡官民田一十七頃五十四畝一
分七厘六毫各圩岸塍凡七千二百五十一丈各
圩徑塍凡三道計一百七十五丈五尺桑一
萬六百八十四株柳二萬三百四十九株

胡濬杭州知府天順元年興治水利時仁和海寧二
縣運河淤塞濬躬親督視一切覓壩堰闢疏導一新

其所開渠曰胡公渠閘曰胡公閘

分巡僉事錢山以成化十三年海決逼城邑任督修

隄塘事分命官屬採石臨平安吉諸山乃置木櫃編

竹爲長落引而下之泥濫稍定人皆奮力趨事時盛

暑公念曰民饑勞野聚必有疾疫未可亟也由是拊

循勞來失次者徙寓官舍惠之薪米其病者則療以

醫藥又用知府陳讓言作副堤十里以防泄鹵灌河

之害歲八月塘成適海亦復故道乃于是冬哀羨金

若干修文廟廣學地重建按察司公署致祭告成功

焉詳張寧重築捍海塘記

陳讓字德光直隸大河衛人天順甲申進士成化間擢杭州府知府英邁高爽剛正不阿爲郡日境內大治海寧建治南瀕海海內徙潮直逼城下居民懍懍讓建議去城一里許開支河築內堤延袤十餘里於是水勢漸殺及堤而止寧人德之爲立生祠讓疾惡太嚴爲豪右所構罷都御史楊繼宗上章論救不報去之日吏民咸痛惜之

劉元瀚由鄉薦爲杭州府同知黔之新貴人也寧邑海患劇塘隨築隨圯于是三臺咸臨相視屬元瀚董其役以庚午四月受事擇能吏五六人度丈尺計難易分督之時時躬巡海上課勤惰爲殿最其法以木櫃盛巨石鱗次櫛比復用木椿夾持內外工稍就緒七月初海水復溢不大爲民害者劉之功也尋以署府去役猶未竣云

已上所詳官績皆稽姓氏于瞽宗考名賢之傳記譬草木之臭無差亦伐柯之則不遠間有覆轍是懲煩言噴有以邑志無譏刺之文史家有諱尊之例也

補遺

許俊鹽官人年十八從武肅王以驍勇稱屢積戰功官至節度使都押牙兼御史中丞寶正三年卒

高彥海鹽人初與同縣沈夏受武肅王意密謀誅都將徐及以其首歸王前後從征多顯功擢海昌鎮將會湖州刺史李繼徽棄郡奔淮南彥隨王親巡其地王由是雅屬意彥題詩嬰蘭堂壁云須將一片地付與有心人及去語彥曰我以此州授汝矣汝宜善撫之奏遷湖州制置使旋升本州刺史遙領費州加檢校司空渤海公彥性淳厚居湖十一載政尚寬簡民頗便之天祐三年冬與道場山僧如訥訣別而卒如訥口能容拳手過膝彥常以師禮事之

二人他書不載見吳任臣十國春秋吳越列傳宐附錄邑誌以廣其傳云

